

ՀՈԴՎԱԾՆԵՐ ԵՎ ՀԱՂՈՐԴՈՒՄՆԵՐ СТАТЬИ И СООБЩЕНИЯ

ՀԱՅ ԳՐԱԴԱՐԱՆԻ ԿՈՎԿԱՍՅԱՆ ԲՆԱԿԵՐՈՒԹՅԱՆ ՀԻՄՆԱԴՐՄԱՆ ՊԱՏՄՈՒԹՅՈՒՆՆԵՑ

Ս. Գ. ՀՈՎՀԱՆՆԻՍՅԱՆ

Հայ գրողների կովկասյան ընկերությունը հիմնվեց 1912 թ. Թիֆլիսում, հայ տպագրության 400-ամյա և գրերի գյուտի 1500-ամյա հոբելյանի նախապատրաստական շրջանում: Գրեթե ողջ հայ մամուլը, զանազան ընկերություններ՝ այս կամ այն չափով մասնակցելով տոնի նախապատրաստական աշխատանքներին, ոտոշում են հավերժացնել այն համադրային-մշակութային մեծ տրվածք ներկայացնող որևէ ֆոնդի հիմնադրումով: «Ոստան» եռամսյա պարբերականը գրում է. «Ոստան պիտի փափաքեր որ հայ գրքի ներկա տոնը ըլլա զեղևիկ առիթ մը բարձրելու համար հայ հեղինակին նվաճական վիճակը, ասով տալու համար իրեն կարելիություններ մտավորապես ալ ավելի արդյունավետ դառնալուն»¹:

Հոբելյանի հետ կապված զանազան հարցերը լուծելու համար էջմիածնում է Թիֆլիսում ստեղծվում են երկու միմյանցից անկախ հանձնաժողովներ, որոնք տարբեր կարծիք ունեին նշանավոր տարեթիվը երբ և ինչպես տոնելու, ինչպիսի ֆոնդով (ղարոցական, գրական և այլն) հավերժացնելու հարցերի շուրջ: էջմիածնի հանձնաժողովը որոշել էր տոնել 1912 թ. հոկտեմբերի 13-ին, իսկ Թիֆլիսի հոբելյանական հանձնաժողովը առաջարկում էր տոնել նոյեմբերի 25—26-ին: Թիֆլիսի հանձնաժողովի բոլոր որոշումներին տոն տվողն ու ղեկավարը Լեոն էր: Բանավեճի մեջ մտնելով, նա իր «Երկու խոսք էջմիածնի հոբելյանական հանձնաժողովին» հոդվածում հերքում է հոկտեմբերի 13-ի անփանդական կապը գրերի գյուտի հետ: Հայտնի մյուս խոշոր կենտրոնում՝ Պոլսում շատ ավելի հաշվի էին առնում Թիֆլիսի հանձնաժողովի որոշումները: Ապրիլի 29-ին Կ. Պոլսի Աղգալին կենտրոնական վարժարանի գահիճում տեղի ունեցավ հայ սպագրության 400-ամյակին նվիրված հոբելյանական 3-րդ նիստը, որին մասնակցում էին 20 տարբեր միությունների ներկայացուցիչներ: Նրանք ոտոշեցին դիմել Կովկաս, Ամերիկա և այլուր նոյեմբերի 26-ին տոնելու առաջարկով: Եվ ահա Հովհ. Թումանյանը, որը գրական-հասարակական գործունեությամբ դարձավ իր ապրած դարաշրջանի գրական ընթացքի ղեկավարն ու շարժիչ ուժը, այս հարցում նույնպես, ինչպես շատ հաճախ, հանդես է դալիս հաշտարարի դերով: 1912 թ. սեպտեմբերին նա գրում է «Հետաձգել և միասին տոնել» հոդվածը, ուր ասում էր, որ մի ամսվա ընթացքում (եթե ոչ թե հոկտեմբերին, այլ նոյեմբերին տոնվի) ոչ մի հրաշք չի կարող կատարվել, քանի որ «հիրավի, երբ դեռ ժամանակ կար, կարելի էր քաղաքներն ու հանձնաժողովները հարաբերության մեջ մտնեին, կարծիքներն ու առաջարկություններն փոխանակեին, մի եզրակացության գալին, ծրագիր մշակեին, բայց էդ չի արված»: Մինչդեռ համադրային տոն կատարելու համար անհրաժեշտ էր համախմբվածություն, այդ պատճառով էլ Թումանյանը առաջարկում է. «Միակ ելքն է մի վեց ամսով հետաձգել, լուրջ պատրաստություն տեսնել և

¹ «Ոստան», Թիֆլիս, 1912, Բ եռամսյակ, էջ 466—467, 265:

տոնը կատարել վայելուչ շքեղությամբ ու իմաստուն կերպով, ամեն տեղ միաժամանակ ու միասին»²։ Հ. Թումանյանի այս հողվածը, որ լույս է տեսնում «Հորիզոնի» 1912 թ. № 198-ում, սեպտեմբերի 11-ին անմիջապես իր արձագանքն է գտնում։ Թերթի հենց հաջորդ համարում տպագրվում է «Պետք է համաձայնության գալ» առաջնորդողը, իսկ Մեսրոպ արքեպիսկոպոս Մելյանը սեպտեմբերի 14-ի համարում հանդես է գալիս «Անհրաժեշտ է հետաձգել» հողվածով, ուր ասում է. «Այսպիսով միացնում եմ իմ ձայնը պ. Հ. Թումանյանին... ձայնին»³։ Արձագանքներ եղան նաև Փարիզից։ Ա. Զոպանյանը գրեց իր «Բուպեիս պահանջը», ուր նշում էր, որ ծագած վեճը «ամենեն տխուր ու ցավալի բաներեն մեկն է, որ երբեք պատահած ըլլան մեր աղգային կյանքին մեջ... Հովհաննես Թումանյան իր հոյակապ հողվածով մատնանիշ րոպե էր արդեն հույսի փակ նշույլը, որ կա մեր խավարտչին երկնքին մեջ»⁴։

Մյուս հարցը, որի շուրջը նույնպես տարակարծություններ կային, ապագրության 400-ամյակը ինչպես, ինչ ֆոնդով հավերժացնելու խնդիրն էր։ Այս հարցը արդեն անմիջականորեն կապվում էր գրողների ընկերության հիմնադրման հետ։ Էջմիածինը առաջարկում էր հիմնել դպրոցական ֆոնդ, իսկ Թիֆլիսի հորելյանական հանձնաժողովը, Լեոյի նախագահությամբ, որոշում է հիմնել հայ գրողների փոխադարձ օգնության ընկերություն, գրական ֆոնդ։ Ավելի վաղ, 1912 թ. հունվարի 28-ին այդ որոշումը կայացրել էր Կովկասի Հայոց հրատարակչական ընկերությունը հայ տպագրության 400-ամյակին նըվիրված հատուկ խորհրդակցությունում։ Լսելով հրատարակչական և գրական ֆոնդերը միացնելու, մրցանակաբաշխության, գրաշարների, հայոց գիտական պատմությունը հրատարակելու և այլ ֆոնդեր հիմնելու առաջարկները, ընկերությունը 57 ձայնից 38-ի մեծամասնությամբ որոշել էր «հիմնել գրական ֆոնդ»⁵։

Այսպես՝ 1912 թ. հունվարից զբաղվում էր գրական ֆոնդի հիմնադրումով տպագրության 400-ամյակը հավերժացնելու հարցը, երբ դեռ չէր ստեղծվել Թիֆլիսի հորելյանական հանձնաժողովը, որը հիմնվեց միայն փետրվարի 8-ին։ Այդ հանձնաժողովի անդամներն էին Շիրվանզադեն, Լեոն, Ար. Զարգարյանը, Ե. Լալայանը, Ա. Խատիսյանը, Նար-Դոսը և ուրիշներ։ Իսկ էջմիածնի հանձնաժողովի անդամներն էին՝ Տոշյանը, Ալթունյանը, Մեսրոպ եպիսկոպոսը և այլք։ Թիֆլիսի հանձնաժողովը «իր առաջին գործերից մեկը դարձրեց հայ գրական գործիչներին օգնող մի ընկերություն հաստատելը»։ Հանձնաժողովը մշակում է այդ ընկերության կանոնադրությունը և մի խումբ հայ գրողների ստորագրությամբ ներկայացնում Թիֆլիսի նահանգական ատյանին հաստատման։ Հուլիսի 10-ին մամուլում հրապարակվում է կառավարության կողմից կանոնադրության հաստատման լուրը. «Այժմ հաստատ աղբյուրից տեղեկանում ենք, որ նահանգական ատյանը արդեն հաստատել է այդ կանոնադրությունը»⁶։ 39-ի մասից և 39 պարագրաֆից կազմված կանոնադրության մեջ շարադրված էին ընկերության նպատակը, անդամների իրավունքներն ու պարտականությունները և այլն։ Նպատակը ձևակերպվում էր 3 կետերում. ա) իր անդամների նյութական դրության բարվոքումը, բ) նրանց մտավոր, բարոյական և գեղարվեստական զարգացման նպատակը, գ) նյութական փոխադարձ օգնություն։

Այս նպատակները իրագործելու համար ընկերությունը պետք է վարձեր ընակարաններ, իբրև սեփականություն ձեռք բերեր շարժական ու անշարժ գույք, գրական և գեղարվեստական երկերի հեղինակային իրավունք, կազմա-

2 Հ. Թումանյան. Երկերի ժողովածու. հ. 4, Երևան, 1951, էջ 207։

3 «Հորիզոն». Թիֆլիս, 1912, № 201։

4 Նույն տեղում, № 211։

5 «Մշակ». Թիֆլիս, 1912, № 21։

6 «Հորիզոն». 1912, № 146։

7 Նույն տեղում։

կերպեր հայ գրողի շահերը շոշափող խնդիրներ արծարծող ժողովներ։ հաշտարար միջնորդ դատարաններ՝ փոխադարձ համաձայնությամբ քննելու հրատարակիչների և գրողների միջև ծագած թյուրիմացությունները, ստեղծել տեղեկատու բյուրո՝ ընկերության գործադուրկ անդամներին աշխատանքով ապահովելու համար։ Կանոնադրության երկրորդ պարագրաֆի 7-րդ կետով նախատեսվում էր հիմնել հատուկ գրական ֆոնդ։ Բացի հայ գրողի նյութականի մասին մտահոգությունից, կանոնադրության մեջ շեշտվում էր նաև հարցի բարոյական կողմը։ Ընկերությունը իր անգամների բարոյական, գեղագիտական զարգացմանը նպաստելու համար պարտավորվում էր ստեղծել մատենագրարներ, ընթերցարաններ, կազմակերպել հասարակական դասախոսություններ, ներկայացումներ, ընթերցումներ։ Կանոնադրության հաստատումն արդեն գրական լայն շրջաններում մեծ ոգևորություն առաջացրեց։ «Հորիզոնի» 1912 թ. հուլիսի 11-ի առաջնորդողը ամբողջությամբ նվիրված էր գրողների ընկերությանը։ Նրանում ասվում էր. «Տասնյակ տարիներով մեղանում արծարծվող այս հարցը այս ձեռնարկությամբ մտնում է գործածության մեջ։ Դրվում է առաջին քարը»⁸։ Իհարկե, մի ընկերություն չէր կարող միանգամից հրաշք գործել, հայ գրական իրականությունը ամբողջապես վերափոխել, բայց գալիս էր մի քայլ «գոնե ամենախիստ կերպով շեշտելու հայ գրականությունը իրան վայել դրության մեջ, նեղելու անհրաժեշտությունը»⁹։

Ընկերության գործունեությանը կարող էին մասնակցել ոչ միայն Թիֆլիսի, այլև աշխարհի տարբեր մասերում ապրող հայ գրողները։ Նաև այդ պատճառով իշխանության կողմից ընկերության հիմնադրման թույլտվությունն ու կանոնադրության հաստատման լուրը «բուռն հրճվանքով»¹⁰ ընդունվեց Խուստատանի ամենատարբեր մասերում։ Ալ. Մատուրյանը ժելեզնիկոսներից գրեց. «Վերջապես... սրտիս խորքից բացականչեցի ես. Այժմ հայ գրողներն էլ հանդես կգան իբրև հավաքական մի մարմին, իբրև նյութապես և բարոյապես կազմակերպված մի զորեղ ուժ, այժմ նրանք էլ կունենան իրենց ինքնուրույն, անկախ կյանքը, կունենան փոքր ի շատե մի հաստատուն հող իրենց ոտքի տակ։ ...Հայ գրողների միության գաղափարը հրաշալի է և սրտանց ողջունելի»¹¹։

Գրողների ընկերության հիմնադրումը ուղեկցվում էր գրական և դպրոցական ֆոնդերի ստեղծման համար մղվող սուր պայքարով։ Լեոն վճռականապես դնում էր դպրոցական ֆոնդին, քանի որ, նրա կարծիքով, եթե «այդ երկու ծրագիրները միաժամանակ հրապարակ նետվեն կամ եթե ազատություն տանք բոլոր մարմիններին ու խմբակցություններին իրենց ցանկացած ֆոնդերի ծրագիրը մեջտեղ քաշելու, ...պես՞ք է ուզենք, թե չուզենք, իրար հետ մրցեն և իրար ջլատեն»¹²։ Լեոն պնդում էր, որ համազգային ֆոնդը պետք է հավերժացվի մեկ համազգային գործով։ 1912 թ. հուլիսի 16-ին հայ տպագրության 400-ամյակի առթիվ կարդացած իր դասախոսության մեջ Շիրվանզադեն, ընդգծելով գրողների միավորման անհրաժեշտությունը, դառնությամբ ասում է. «...Հայ միտքը օտարանում է, նոր սերունդն այլասերվում, ...դպրոցներով մենք նոր սերնդի լուկ ախորժակն ենք բանում և ապա մատնում նրան հավիտենական քաղցի...», գրական ֆոնդը «էականն ու կենսականն է ներկայիս»¹³։

Ի պաշտպանություն գրական ֆոնդի, ընկերության հիմնադրման այս նախապատրաստական շրջանում դրվում էր հայ գրողի համար գրականությունը մասնադիտություն դարձնելու հարցը։ Թարգմանիչ Արշալույս Տեր-Հովնանյանը գրում է «Գրականությունը որպես պրոֆեսիա» հոդվածը, ուր ասվում է. «...Ուրեմն հայ վիպագրից, բանաստեղծից պահանջել առն, ինչ

⁸ Նույն տեղում, № 147։

⁹ Նույն տեղում։

¹⁰ Նույն տեղում, № 199։

¹¹ Նույն տեղում։

¹² Նույն տեղում։

¹³ «Մշակ». 1912, № 158։

արտադրում են ուսական, լեհական, նորվեգիական և այլն գրողների բեղմնավոր գրիչները, անկարելի է և անհույս...

Խոնչ անել:

...Գրականությունը դարձնել պոեֆեսիա, որի համար պիտի ապահովել մի որոշ ընկերությամբ...»¹⁴:

Գրական ֆոնդի անհրաժեշտությունը այնքան ակնհայտ էր, որ նույնիսկ Էջմիածնի հանձնաժողովի ոչ բոլոր անդամներն էին, որ ղեմ էին դուրս գալիս բացահայտորեն: Գ. Էդիլյանը իր «Ազդային մեծ ունը» հոդվածում առաջարկում է. «...թող իրենց գլուխը բարձրացնեն երկու մեծ ընդհանուր ազդարին ֆոնդեր «գարոջական» և «գրական»¹⁵: 1912 թ. սեպտեմբերի 19-ին «Հորիզոնում» տպագրվում է Հայ գրողների կովկասյան ընկերություն ստեղծելու և նրան անդամագրվելու հայտարարությունը, որ ասվում էր. «Կուլկասի Հայ գրագետների ընկերության կանոնադրությունը պատշաճաբար իշխանությունից հաստատված լինելով՝ ընկերության հիմնադիրները հրավիրում են հայ գրողներին, գիտնականներին և լրագրողներին անդամագրվել ընկերության»¹⁶: Այս հայտարարությունից պարզ էր դառնում, որ ընկերության անդամ կարող են լինել ոչ միայն գրողները, այլև գրականագետ-քննադատները, լրագրողները, դիտողները և գրականության բոլոր մշակները «Հորիզոնի» հաջորդ՝ սեպտեմբերի 20-ի առաջնորդողը ամբողջությամբ նրվիրված էր գրողների ընկերությանը: «Առաջին անգամն է մեղանում,— նշվում էր այնտեղ,— որ հայ մտքի մշակները համախմբվում են միասնաբար պաշտպանելու իրենց շահերն ու միջոցներ ձեռք առնելու իրենց նյութական ու բարոյական կացությունը բարվոքելու»: Հոդվածագիրը հայ մտավորականներին կոչ էր անում կանգուն պահել «մի համեստ, բայց մտերիմ ու հարազատ ջախ, որի շուրջը բոլորել են Նզիրյաններ և Նզիրյաններ, Նարեկացիներ ու Շնորհալիսներ, Աբովյաններ ու Աղայաններ»: Թերթը, սրտանց ողջունելով Գրողների ընկերության սկզբնավորումը, նրա գործունեության մեջ տեսնում էր «մի զորեղ ազդակ հայ գրականության շքեղ զարգացման»¹⁷: Սակայն սեպտեմբերի 29-ին, ժողովի մասնակիցները, այդ թվում Լեոն, Տ. Հովհաննիսյանը, Հ. Աղաբաբը և մյուս ժողովականները թեև միաձայն հավանություն տվեցին ընկերության հիմնադրման գաղափարին, սակայն ընկերության բացումը «թողնվեց հետագային». նախաձեռնարկ անդամներին հանձնարարվեց որքան հնարավոր է շուտ այդ նպատակով ժողով գումարել, որը և տեղի ունեցավ հոկտեմբերի 3-ին: Առաջին անգամ այս ժողովում ընտրվեցին ընկերության անդամներ՝ թվով 8 հոգի՝ Հովհաննես Թումանյան, Աբշակ Հարությունյան, Նար-Գոս, Ատրպետ, Փիլիպոս Վարդաղարյան, Գրիգոր Վարդանյան, Ստեփան Լիսիցյան, Հակոբ Գենջյան: Ընկերությունը հոկտեմբերի 3-ից արդեն հիմնադրված էր և որոշումներ էր կայացնում ու արձանագրում, բայց այն պետք է դիտել իբրև սոսկ նախապատրաստական մի բան. քանի որ շրտորվեց վարչության ղեկավար կազմը, ինչպես նաև ժողովականների կողմից դեռ չէր հաստատվել ընկերության կանոնադրությունը:

Ընկերության հիմնադիր ժողովը տեղի ունեցավ հոկտեմբերի 10-ին Թիֆլիսի քաղաքային դումայի դահլիճում: Նախագահում էր Հովհ. Թումանյանը, իսկ բարտուղարն էր Մկրտիչ Վանեցյանը, որոնք ընտրվեցին գաղտնի քվեարկությամբ: Մասնակիցների ընդհանուր թիվը 35 էր: Իր բացման խոսքում Արիստակես Զարգարյանը տվեց ընկերությունը կազմելու համառոտ բացատրությունը՝ ընդգծելով Թիֆլիսի հոբելյանական հանձնաժողովի դերը վաղուց

¹⁴ Նույն տեղում, № 38:

¹⁵ «Հորիզոն». 1912, № 139:

¹⁶ Նույն տեղում, № 204:

¹⁷ Նույն տեղում, № 205:

ցանկալի այդ ընկերության բացման գործում¹⁸։ Գաղտնի քվեարկությամբ անդամ են ընտրվում 17-ը՝ այդ թվում՝ Հովհաննես Մալխասյանը, Հակոբ Ալիքանյանը, Լևոն Մանվելյանը, Դերենիկ Դեմիրճյանը, Աթաբեկ Խնկոյանը, Հակոբ Հակոբյանը, Միքայել Մանվելյանը, Վրթանես Փափաղյանը և այլն։ Ընտրվում է նաև վարչության կազմը՝ բաղկացած 8 հոգուց՝ Հովհաննես Թումանյան, Լևոն Արիստակես Զարգարյան, Տիգրան Հովհաննիսյան, Աշոտ Աթանասյան, Գյուտ Աղանյան, Արշակ Հարությունյան, Երվանդ Լալայան, Գ. Գրիգորյան և վերստուգիչ մասնաժողով։ Ի դեպ, ժողովականները վարչության կազմի ընտրությանը մեծ կարևորություն էին տալիս և նախօրոք որոշել էին այդ հարցին «մոտենալ լրջորեն»¹⁹։ Վարչության անդամության թեկնածուներն ընտրվում էին միայն անառնական, իսկ Ար. Զարգարյանը՝ դանձապաշտ Ծիրվանդադեն։ Միաժամանակ ընտրվում է միայն Հովհաննես Թումանյանը։ Նորընտիր վարչությունը հանձնարարում է հաջորդ ժողովը գումարել մի ամսից ու ուշ։

1912 թ. հոկտեմբերի 16-ին ընկերության վարչության անդրանիկ նիստը դառնում է քվեարկությամբ Հովհաննես Թումանյանին ընտրեց նախագահ, որին այդ պաշտոնում անփոփոխելի մնաց մինչև ընկերության փակվելը։ Տ. Հովհաննիսյանը ընտրվում է փոխնախագահ, իսկ Ար. Զարգարյանը՝ դանձապաշտ։ Որոշվում է վարչության նիստեր գումարել ամեն կիրակի երեկոյան ժամը 6-ից 8-ը։

Այսպես՝ ստեղծվեց Հայ գրողների կովկասյան ընկերությունը։ Հոկտեմբերի 24-ին և 25-ին մամուլի տարբեր օրգաններում հրապարակվեց Հովհ. Թումանյանի կողմ, որը լայն արձագանք գտավ և համազգային մեծ ոգևորություն առաջացրեց։ Կոչում ասվում էր. «Վերջապես իրականություն է դառնում մեր գրական-հասարակական գործիչների վաղեմի իղձը՝ համախմբված առանձին հայ մտքի ու գրչի մշակներին։ Այսպիսով հայ գրողն ունի մի այնպիսի հիմնարկություն, որին նա կարող է ապավինել կարիքի ժամանակ և մի համագործակցության, ուր հայ գրականության հարցերն ու խնդիրները կարող են պաշտպանվել ու հանգել բանավոր լուծման»²⁰։ Ընդ որում, Թումանյանը նորաձագ ընկերության շուրջը համախմբվելու էր կոչում ոչ միայն գրողներին, այլև «գրականության և հրապարակախոսության ասպարեզում գործողներին»՝ միաժամանակ ուժերով նվիրվելու ազգային գրականության բարգավաճման։

Բարեմաղթանքի, ողջունի նամակներ ու հեռագրեր ստացվեցին երկրի տարբեր մասերից։ Բաքվից, Հին Նախիջևանից, Վլադիկավկազից, Արդահանից, Չալաթալայից, Յալտայից, Պետերբուրգից ընկերությանը անդամագրվելու դանդաղություն հայտնեցին Համազասպ Առաքելյանը, Հակովբ Սառիկյանը, Հովհաննես Հովհաննիսյանը, Հովհաննես Կոստանյանը և շատ ուրիշներ։ Ալ. Ծատուրյանի՝ Հովհ. Թումանյանին ուղղված նամակում կարդում ենք. «Անհուն ուրախությունս եմ հայտնում, որ հայ գրչի մշակների միության բարձր գաղափարն այսօր արգեն մարմնացած, իրական հողի վրա է դրված։ Սրտագին ող-

¹⁸ Տ. Հովհաննիսյանը իր ելույթում նշեց, որ Ա. Շահազիզը և Պ. Պոռչյանը առաջինն են Թիֆլիսում գրողների ընկերության միտքը արձարծել, իսկ Աթանասյանի առաջարկությամբ ժողովականները հոտնկայա հարգում են «հիշատակը այն մարգկանի, որոնք իրենց հասարակական գործունեության ընթացքում միշտ աշխատել են հայ գրողների ընկերության գաղափարը իրականացնելու համար։ Դրանք են՝ Սմբատ Շահազիզ, Պետր Պոռչյան և Ղազարոս Աղայան» (ԳԱԻ, Հայ գրողների կովկասյան ընկերության ֆոնդ, № 181։ Տե՛ս նաև «Պատմա-բանասիրական հանգես», 1966, № 4, էջ 193—196)։ Մ. Զմեկյանը առաջարկում է ի նշանավորումն ընկերության հիմնադրության բոլոր գրողների մասնակցությամբ հրատարակել մի ժողովածու, որից գոյացավ արդյունքը հատկացնել աղքատ գրականագետների և գրողների ընտանիքներին, ձեռնարկել նրանց երկերի հրատարակությունը, թարգմանյաց օրը դարձնել ընկերության տոնը, ժողովի կողմից շնորհավորական հեռագիր ուղարկել էջմիածին՝ տառերի գյուտի և տպագրության հոգեյանների աթիվի։ Այդ առաջարկները օրակարգից դուրս են համարվում։

¹⁹ ԴԱԻ, Հայ գրողների կովկասյան ընկերության ֆոնդ, № 181։

²⁰ Հովհ. Թումանյան, Երկերի ժողովածու, հ. VI, Երևան, 1959, էջ 411։

հույները և բարեմաղթություններ անդրանիկ Հայ գրողների ընկերության, որի ծնունդն այնքան ջերմ փափագել ու երազել է ամեն մեկը մեզանից՝ իր շարքաշ կյանքի սև ու մութ օրերում...»²¹։

Նոյեմբերի 12-ին Բաքվի Մարդասիրական ընկերության շենքում հայ գրողների ժողովը ողջունում է Թիֆլիսի Հայ գրողների կովկասյան ընկերությանը, համոզված լինելով, որ այն կդառնա «մի դպրոց, որ կբարձրացնե հայ գրողի գրական արժեքը, նրա մտքի մակերևույթը, վերջապես նրան կոգևորե և ասպարեզ կբաշե գրելու»²²։ Ձայների մեծամասնությամբ այդ ժողովը որոշում է իրեն մասնաճյուղ մտնել ընկերության կադմի մեջ։

Հովհ. Թումանյանը Մոսկվայից, Պետերբուրգից, Բաքվից, Գյուլաղարահից, Ղազվինից և այլ վայրերից ստանում է բազմաթիվ շնորհավորական հեռագրեր և նամակներ, որոնցում ընկերության երևան գալը համարվում է ուրախարի երևույթ, «սրբազան օջախ», «աղղային կուլտուրայի վերակենդանացում»²³ և այլն։ Վահան Տերյանը 1914 թ. հունվարի 12-ին Հովհ. Թումանյանին հասցեագրած իր նամակում գրում է. «Կարդացի հարգո վարչությանդ գրությունը, որով հայտնում եք, որ Հայ գրողների ընկերության ընդհանուր ժողովը պատիվ է արել ինձ ընկերության անդամ ընտրելու Թույլ տվեք հանձնիս, հայտնելու համակրելի ընկերության հարգելի անդամներին իմ ամենախորը ու չեք շնորհակալությունը։ Կուզեի հավատացնել Ձեզ, որ իմ ուժերի ներածին չափ պիտի ջանամ անօգուտ ու անպետք անդամ չլինելու ընկերության, որի առաջադիմությանն ու աջողությանը նպաստելը ամեն դրասեր հայի պարտք պետք է համարել»²⁴։ Իսկ Յուլիա Խանդաղյանը, հավատալով, որ Թումանյանի «ձեռնարկած գործը մի խոշոր երևույթ պիտի դառնա մեր կուլտուրական կյանքում», ընկերության նախագահին ուղղած իր նամակում համեստորեն հարցնում է. «Ես Հայ գրողների ընկերության անդամ չեմ և չգիտեմ, որքան հարմար կլինի, եթե առաջարկեմ քվեարկեք ինձ, կարո՞ղ եմ համարվել գրող, եսի՞մ»²⁵։

Սակայն առաջին իսկ քայլերից ընկերությունը հանգիպեց որոշակի ղեկավարությունների։ «Մշակ», «Бакы», «Каспий» թերթերը ընկերության հիմնադիրներին մեղադրում էին հենց սկզբից կուսակցական ոգով շարժվելու մեջ։ «Каспий» թերթը գտնում էր, որ ընկերության առաջացրած ողևորությունը և հաջողությունը սոսկ մակերևութական է և միայն թղթի վրա գոյություն ունեցող, որ այն անխուսափելիորեն կկործանվի և կզազարի իր նպատակին ծառայելուց. «...չար ու դաժան մի եզրակացություն և այն էլ հայոց առաջին գրական ընկերության հենց առաջին քայլերի հանդեպ»²⁶, — գրում է Հովհ. Թումանյանը և համոզված հայտարարում. «Ո՛չ, չպետք է կործանվի հայոց Գրական ընկերությունը։ Քանի որ մի երկրում, մի հասարակության մեջ էգ տեսակ մարդիկ կան՝ էգ տեսակ մամուլ ու էգ տեսակ վերաբերմունք կա դեպի գրողն ու գրականությունը — նա ընդհակառակը, պետք է հաստատուն կանգնի, մեծանա, ուժեղանա, հարադատ ու տաք օջախ դառնա հայոց հայածական գրականության, ամուր նեցուկ ու պաշտպան դառնա հայոց խանգարված գրողի համար և բարձր պատվար ամեն շարունակ ու հալածանքի հանդեպ»²⁷։ Հովհ. Թումանյանը իր «Կովկասի հայոց գրական ընկերությունն ու իր քննադատները» հոդվածում բողոքում է Հակոբ Գենջյանի, Սեդրակ Թառայանի, «Մշակի» հարձակումների, անհիմն մեղադրանքների դեմ²⁸։ Ի պատասխան այդ հոդվածի «Մշակը» գրեց. «Ոչ ոք դեմ չէ Հայ գրողների ընկերության. Ձեզ միայն այն եմ ասում, թե՛

21 «Հորիզոն», 1907, N 251։

22 Նույն տեղում, N 256։

23 ԴԱԹ, Թումանյանի խնդ. N 99/22։

24 Նույն տեղում, N 120 (տ. ցուց.)։

25 Նույն տեղում, N 19։

26 Հովհ. Թումանյան. Երկերի ժողովածու. հ. 4, էջ 220։

27 Նույն տեղում։

28 «Մշակ», 1912, N 225։

վաճան Թոթովենցը, Թումանյանը սիրում էր կրկնել «Բանը եվրոպացի գրող լինելը չէ, այլ հայ գրող լինելն է»³⁵, եվ նորաստեղծ ընկերության կոնկրետ նպատակներից մեկն էլ գրողի և ընթերցողի միջև անմիջական կապի ստեղծումն էր, գրականությունը գրողի համար մասնագիտություն դարձնելը: Դեռ տարիներ առաջ Վրթանես փափաղյանը, անդրադառնալով հայ գրողի «խանդավառության» հարցին, գրում էր. «Հ. Պարոնյանի պես մեծ երգիծաբանը կարող էր ցրիշովյամբ կամ նպարավաճառությամբ զբաղվել... Ցավեցիք և ի՞նչ արիք, երբ Պյոտյանը վեց ամիս ածխավաճառություն էր անում ապրելու համար, երբ Շիրվանդադեն պարտքերի տակ խրվեց՝ իր երկերի հրատարակության առթիվ, երբ Մուրացանը հաշվապահության դիմեց ապրելու համար և երբ Լևոն աշքերը փաշտեց գրողին ոչ պատշաճ աշխատությունների վրա...», երբ Նար-Դոսը լրագրական հոդվածներ էր շինում և Երիցյանի թերթի սև աշխատանքով զբաղվում»³⁶:

Իհարկե, Շիրվանդադեն շատ լավ գիտեր, թե որքան անհրաժեշտ է հասարակության նյութական ու բարոյական աջակցությունը գրողին և իրոք, չէր կարող դեմ լինել և չողջունել այդ նպատակին ծառայող ընկերությանը:

«Մշակի» խմբագիրները նույնպես պնդում էին, թե իրենք չեն մասնակցի դրական ընկերությանը այն պատճառով, որ նրա մեջ ընտրվել և ընդունվում են ոչ դրական մարդիկ: Բայց, ինչպես նկատում է Թումանյանը, «չէ՞ որ թե՛ «Մշակի» խմբագրությունը, թե՛ Շիրվանդադեն չէին եկել հենց ընկերության բացումին, հենց առաջին ընդհանուր ժողովին: Զէ՞ որ էն ժամանակ դեռ հայտնի էլ չէր, թե ինչ մարդիկ են ընտրվելու...»³⁷:

Ընկերության նախաձեռնողներին «Մշակի» ներկայացրած մեղադրանքներից մեկն էլ այն էր, որ նրանք անդամագրելիս ընտրել են ոչ թե «իսկական գրողներին հրավիրելու, այլ քվեարկության եղանակը». «նրանք փոխանակ հրավիրելու իսկական գրողներին անդամ ընտրելու ինքնաբերաբար, դիմեցին քվեարկության եղանակի, որպեսզի կարողանան իրանք, իբրև հիմնադիր քվեարկողներ, ընտրել կամ չընտրել սրան-նրան, ում իրանք հարկավոր կհամարեն»³⁸: Այսպես «Մշակը» շարունակում էր իր անբարյացակամ վերաբերմունքը, ի պատասխան որի նույնբերի 13-ին «Հորիզոնում» տպագրվում է մի «փոքրիկ ֆելիետոն»՝ Մէ-Բիս ստորագրությամբ³⁹:

Ընկերության դեմ «Ընկեր» թերթի ելույթները հատկապես զոհհիվ բնույթ էին կրում: Անստորագիր «Իարձյալ մի անպետք հիմնադրություն» հաղորդման մեջ խիստ հոռետեսորեն է գնահատվում ընկերության հիմնադրման փաստը. «Մեր բուրժուա գործիչները սարքեցին դարձյալ մի հիմնադրություն... Նույն ասպետներն են և այստեղ, և այնտեղ, նույն Թումանյան, նույն Լեո, նույն բրժիշկ Զարգարյան: ...Կան գրողներ, որոնք 40 տեսակ եկամուտ են ստանում, և այժմ էլ ընկերություն են հիմնում, որպեսզի ալելի ևս «օրինական» կերպով բթեն հարուստներին...»⁴⁰:

Այսպիսի հարձակումը տեղին չէր և որևէ պատասխան չստացավ: Բայց այս վեճը վերջին անգամ խոսք ու դրույցի առարկա դարձավ ընկերության մեջ 1912 թ. նոյեմբերի 25-ի ժողովում, ուր Թումանյանը ժողովը սկսեց այն բանից, որ բացատրեց կանոնադրության առաջին կետը, թե ովքեր կարող են լինել Հայ գրողների կովկասյան ընկերության անդամ. «Մանավանդ այդ հարցը այժմ մամուլի մեջ վեճի առարկա է դարձել: Մեր կանոնադրության առաջին կետի հիման վրա ընկերության անդամ կարող են լինել նրանք, որոնք հայոց մեջ աշխատում են գրականության, գիտության և մամուլի ասպարեզներում:

35 Թումանյանը ժամանակակիցների հուշերում. Երևան, 1969, էջ 141:

36 Վրթ. Փափաղյան. Դրականության մասին. Երևան, 1962, էջ 47:

37 Հովհ. Թումանյան. Երկերի ժողովածու. հ. 4, էջ 218:

38 «Մշակ». 1912, № 248:

39 «Հորիզոն». 1912, № 253:

40 «Ընկեր». Թիֆլիս, 1912, № 32:

Այսպիսով, պարզվում է, որ ընկերությունը ընտրյալների մի կաճառ չէ, հայկական ակադեմիա չէ. այլ մի հաստատություն, որի հարկի տակ կարող են ժողովվել խոշոր ու սահմանափակ մարդկանցից սկսած մինչև ամենահամեստ աշխատավորն այդ ասպարեզում՝ փոխադարձ օգնության և բարոյական-գեղարվեստական դարգացման նպատակով ձիշտ այնպես, ինչպես ռուսական գրական ընկերության մեջ. ուր Տոլստոյի, Տուրգենևի, Չեխովի և մուս մեծերի հետ միասին գրված են շատ համեստ անուններ. Նիկե մենք խիստ ենք լինելու և խտրական, ես կցանկանայի, որ այդ լինելը ընկերության բարոյականի վերաբերմամբ և աշխատենք նրա բարոյական պատկերը ևս նեղ մաքուր, բաժնի ամեն նեղ կուսակցական միտումներից»⁴¹:

Ահա այսպիսի պայմաններում, որոշակի դժվարություններ հաղթահարելով ստեղծվեց Հայ գրողների կովկասյան ընկերությունը: Իր առաջադրած նպատակներով և զբաղմունքներով իրագործման կարևորությամբ ընկերությունը միայն որ ստեղծվում է մեծ աշխուժություն առաջացրեց: Բացվեց նոր խոսք ու զրույց գրականության, նրա արժեքի, դերի շուրջ: Գրվեցին հոգեմածներ, որոնցում գրականությունը դիտվում էր իբրև այն միակ ասպարեզը, ուր յուրաքանչյուր ազգ ներկայանում է իր ուրույն հոգեբանությամբ, իր ազգային յուրահատկություններով. «Գրականությունը դա հենց ինքը ազգն է իր սպասման ու ոգևորական տրագիգիաներով»⁴²: Այս տողերի հեղինակը հաշտեցին է, գրել ընկերության ստեղծումից լոթ օր հետո Պետերբուրգից: Այսպիսի տողերի արևել է հանդիպել ընկերությանը հղված բաղամիտվ հեռագրերում և նամակներում: Խաչենցու պես շատերը սկսում են մտահոգվել գրականության ապագայի, տեղի ու դերի հարցերով, իհարկե, նախ նրա ներկայով, նրա վիճակի հուսական ընթրոշման խնդրով⁴³:

Այնհայտ էր, որ նորաբաց ընկերությունը պիտի գբաղվեր գրական կյանի ոչ միայն սյրակտիկ խնդիրներով: Նրա առջև ծառանում էին գրականության ատմությանը, անցյալին, ներկային և ապագա ճակատագրին վերաբերող լեթե բոլոր խնդիրները, զրանց գիտական ընթրոշմանը, գրական քաղաքականությանը և քննադատությանը վերաբերող ղանապան հարցեր:

Թիֆլիսի Հայ գրողների կովկասյան ընկերությունը իր հիմնադրման առաջին օրերից զարծալ 1910-ական թթ. գրական պրոցեսի կարևոր օղակներից էր:

ИЗ ИСТОРИИ ОСНОВАНИЯ КАВКАЗСКОГО ОБЩЕСТВА АРМЯНСКИХ ПИСАТЕЛЕЙ

С. Г. ОГАННИСЯН

Резюме

Кавказское общество армянских писателей было основано в октябре 1912 г. в Илесе в период подготовки к празднованию 400-летия армянского книгопечатания 500-летия создания армянского алфавита. Организация общества сопровождалась борьбой за создание литературного фонда. Создание общества вызвало большое внимание в армянских литературных кругах. Огромна роль председателя общества Туманяна в борьбе за его основание. С первых же дней создания общество стало одним из важнейших очагов армянской литературной и культурной жизни.

41 ԴԱԹ, Հայ գրողների կովկասյան ընկերության ֆոնդ, № 181:

42 «Հորիզոն». 1912, № 235:

43 Նույն տեղում: